

aliquod in corpore humano præfens, quod *Singulare*, ut *Singulare*, *Auxili* loco indicet, & *indicatum Singulare ad sese dirigendum esse monstret*, cui, quæso, fini, rationaliter adhiberentur *Singularia*? Non video.

*Thes. XXXII.* Quod si autem à suo *Indicante* indicatum jam sit *Singulare*, oportet ulterius, ut & ipsum dextrè legitimè, & convenienter usurpetur, & exhibeatur; hoc est, si universalis, & quæ, lege *Methodi*, præmittenda erant, præmissa fuerint, exhibere tandè *Singulare* opportunum est:

*Thesis XXXIII.* Atque ita ex quadam quasi necessitate requiri tandem videtur, ut cujuslibet *Singularis* usum *Singularis* etiam sequatur effectus, & operatio; *Singularitas* enim, quæ de *Singularibus* dictis prædicatur, non *Autorem* tantum, cui *Singularia*, & familiaria sunt, sed *effectus*, & *operationis* imprimis *Singularitatem*, respiciat, atque includat, necesse est; Nisi enim ex occulta quada vi, ac singulari proprietate singulis *Singularibus* *Singularis* inesse agendi potentia, quæ, post legitimum, & convenientè ipsius usum, *Singulare* etiam planè, sibi què proprium, ac nullis aliis Medicamentis familiarem, vel communem Effectum, & operationè certò, ac manifestè producat, non video sanè, in quo differant, vel differre possint *Singularia*, ab *Appropriatis* vulgaribus, & Medicamentis aliis, utpote quorum usum, idem sequitur effectus, eademque operatio.

*Thes. XXXIV.* Sed dum hæc dixisse satago, per transennam quasi non paucas video objectiones, & instantias, quibus ea, quæ de *Singularium* dictorum *Requisitis* hæcenus relata sunt, impugnandi non parùm, nisi planè subvertendi, animus est: Sic enim *magnum existimatur postulatum* nullum esse, nec dici debere *Singulare*, nisi cujus *Autor* sit aliquis *Medicus*; quasi verò (ut audio) soli tantum *Medico* Medicamenta, & *Singularia* invenire competat, & concessum sit; Cùm tamen *Experientia*, & quotidianus rerum usus testentur, esse inter *Magnates* pariter, ac cujuslibet conditionis alios, non paucos, qui & ipsi, etiam si *Medici ex professo* non sint, egregia nihilominus *Experimenta* ac *Singularia*, & habeant, & præparare, ac componere sciant, ac soleant; *Item* præparationes, labores, & processus (in *Chymicis* præsertim) esse diversos; & quamvis hoc, vel illud Medicamentum, notum aliàs, omnibus què cognitum sit, singulari tamen artificio, singulari què processu, & labore ab hoc, vel illo, sive ratione Coloris, Saporis, odoris, Jucundius, Sive, dosis ratione, Gratius; sive, ratione Operationis, reddi Tutius; Sic haberi, ajunt, *Singularia*, quæ; cùm alia adhibita Medicamenta quam plurima, nihil planè in hujus, vel illius Morbi Curatione, efficere potuerunt, agrotantes vel sola felicissimè restituisse, dicuntur; sic, dicant occasione istorum *Singularium*, *Chymia* magis, magis què excolitur; multis què proinde, Naturæ Arcana, & penetralia intimius scrutandi, ansa suppeditatur, & occasio; sic, ferunt, magnam esse simplicitatem, rationem singularitatis à *Singularium* Inventoribus quærere, qua hoc; vel illud *Singulare*, huic, vel illi p.n. affectui remedi dicatur; cùm propterea sit, & dicatur *Singulare*, quod Virtus, & Operatio ipsius nemini, quàm soli *Autori* nota, & singularis esse debeat; sic, perhibent, non esse necessarium, ut *Singulare* indicetur ab *Indicante generali*; Et tandem somniant, quosdam propterea tantum fini-

strè sentire de *Arcanis*, & *Singularibus*, quod vel *Chymiam* ipsi non exercèant, vel eandem planè non intelligant; & quæ sunt alia.

*Thes. XXXV.* Verùm enim verò, etsi toti constet Orbi, esse inter *Magnates* pariter, ac cujuslibet conditionis alios, non paucos, qui & ipsi, etiam si *ex professo Medici* non sint, egregia nihilominus *Experimenta*, ac *Singularia*, & habeant, & præparare, ac componere, & sciant, & soleant; Certò tamen est certius, illa *Experimenta*, & *Singularia* omnia, cujuscunq; etiam sint formæ, virtutis, & operationis, *Medicos* tanquam *primos Auctores* solos, ac semper agnoscere, & *originaliter* provenire à *Medicis*, ac per tertium, vel quartum, vel plures, aliis esse communicata; Constat enim, & palam est omnibus, ipsis etiam *Magnatum* Laboratoriis, vel *Medicos* præesse, ut laborum *Directores*, vel ipsis *Laborantes* dictos substitui: Hos autem, utpote, qui *Medicorum* ministri sunt, quicquid boni, quicquid solidi sciant, & lapidi primario habere à *Medicis*; Et positò esse quosdam; qui, & si *Medici* non sint, vera tamen, & approbata (ab aliis puta communicata) *Singularia* habeant, legitimum tamen eorundem usum ignorant, quia *Artis* ignari sunt; & consequenter eadem facilitate, ex ignorantia, lædere, ac interficere possunt, quæ, ex temeritate, juvare, ac sanare autent. Quod cum sit extrà omnem controvertiam, firmissimò stare talo, existimo. *Auctorem cujuslibet veri singularis, Primum, & Verum, semper esse Medicum*; Hujus enim Professio est, scire qualitates, & Virtutes *Simplicium*, ex iisdem *Artis Pharmaceuticæ* ope, dispensare, & ordinare *Composita*; scire *Morbos*, eorum què *Causas*, & *Symptomata*, Scire *Medendi Methodum*, & in cujuslibet morbi curatione indicantia, *Coindicantia*, *Permittentia*, *prohibentia* / *Contraindicantia*, & alia, quæ ad prudentiam *Boni Medici* spectant, diligenter prudenter ac circum spectè attendere; unde, quæ ratione quisquam alius, qui à pueris, & ex professo, hæc omnia non didicit, sed nescit planè & ignorat, *Singularia* invenire, eadem què agrotantibus salutariter exhibere, valeat, judicet quilibet, qui candidus est. Bonis interea *Medicis* circa hanc objectionem non injusta suboritur indignatio, quòd scilicet *Chymicorum* non pauci, illiteratos ut plurimum quosvis. *Idiotas*, rudes què non rarò *Asinos*, in sua passim excipiant *Laboratoria*, ipsis què processus, & labores suos concedant, alios verò, & qui sunt de communi studio, vel rarò, vel non, nisi ad vulgarium præparationem admittant; hinc enim pleræquè illæ lacrymæ! hinc fit, ut in comitum illud vulgus, utpote, penes quod nulla planè est alia rerum Medicinalium cognitio, quicquid præparari videat. *Secretum* esse, *Singulare* esse, credat; ipsum què tandem hæc, quæ ducitur, phantasiâ, per suatum, abeat; *Singularia* jactitet; *Magnates*. & *Curiosos* quosvis adeat: miracula prætendat, & nescio quid; quæris successe rei; & eventum? Fallunt, decipiunt, defraudant ut plurimum, egregiè, speciosè, & singulariter, hoc tamen, ut verum & approbatum *Singulare* semper habent, & possident, quòd qui decepti ab aliis sunt, taceant, nil dicant aliis, sed, quod decepti sint, sibi tantum, & pro *Singulari*, ac in secreto habeant; sed habeant!